

UNIVERZITET U SARAJEVU

INSTITUT ZA HISTORIJU

Komisija za izbor naučnog saradnika za oblast moderne historije

Sarajevo, 25. februar 2022. godine.

Vijeću Instituta za historiju Univerziteta u Sarajevu

Senatu Univerziteta u Sarajevu

Na osnovu člana 29. Zakona o naučnoistraživačkoj djelatnosti („Službene novine Kantona Sarajevo broj 26/16“) i člana 93. Statuta Univerziteta u Sarajevu, Vijeće Instituta za historiju Univerziteta u Sarajevu je na 16. redovnoj sjednici održanoj 18. februara 2022. donijelo odluku broj: 01-01-2010/22 kojom je imenovalo Komisiju za izbor u naučno zvanje *naučni saradnik za oblast moderne historije* u sastavu:

1. Dr. Amir Kliko, naučni saradnik za oblast historije na Institutu za istraživanje zločina protiv čovječnosti i međunarodnog prava Univerziteta u Sarajevu - predsjednik Komisije;
2. Dr. Safet Bandžović, naučni savjetnik za oblast moderne historije na Institutu za historiju Univerziteta u Sarajevu – član;
3. Dr. Dženita Rujanac, viši naučni saradnik za oblast moderne historije na Institutu za historiju Univerziteta u Sarajevu – član;
4. Dr. Sedad Bešlija, direktor Instituta za historiju u zvanju višeg naučnog saradnika za oblast starija historija (Osmanski period) - zamjenski član.

Komisija je zaprimila akt (Potvrda) Instituta za historiju Univerziteta u Sarajevu broj: 03-01-186/22 od 10. februara 2022. kojom se potvrđuje da se na javni konkurs za izbor u zvanje *naučni saradnik za oblast moderne historije* na Institutu za historiju (objavljen u dnevnom listu "Dnevni avaz" dana 19. januara 2022. i web stranici Instituta za historiju) prijavio jedan kandidat: dr. Jasmin Medić, s blagovremenom i svojeručno potpisanom prijavom i dokumentacijom koja je potpuna i usklađena sa uslovima utvrđenim konkursom.

Nakon uvida u priloženu dokumentaciju jedinog prijavljenog kandidata dr. Jasmina Medića, Komisija podnosi Vijeću Instituta za historiju sjedeći:

IZVJEŠTAJ

Jasmin Medić rođen je 19. oktobra 1986. u Prijedoru. Nakon okončanja srednjoškolskog obrazovanja, školske godine 2005/06, upisao je studij historije na Odsjeku za historiju Filozofskog fakulteta Univerziteta u Sarajevu.

Odranio je 2009. dodiplomski rad na temu „Političke stranke u Bosni i Hercegovini tokom austrougarske uprave“ i time stekao akademsku titulu bacalaureat/bachelora historije (BA historije) ostvarivši ukupno 180 ECTS bodova I ciklusa studija.

Drugi ciklus studija, naučni smjer-oblast novi vijek, završio je 2011, a u aprilu 2012. uspješno je odbranio završni diplomski/master rad na temu „Zločini u Prijedoru 1992. godine na osnovu presuda Međunarodnog krivičnog suda za bivšu Jugoslaviju (ICTY)“ ostvarivši dodatnih 120 ECTS bodova.

Od februara do oktobra 2014. bio je angažiran kao istraživač nevladine organizacije „Tranzicijska pravda, odgovornost i sjećanje“ na projektu „Mapiranje logora/mjesta zatočenja u Bosni i Hercegovini 1992.-1995. godine.“ Radeći kao istraživač u NVO „Tranzicijska pravda, odgovornost i sjećanje“ na navedenom projektu uspješno je dokumentirao 19 logora i drugih mjesta zatočenja (opći podaci, uprava, uslovi, ubistva, zlostavljanja, silovanja, premještanje zatočenika, procesuiranje odgovornih za ratne zločine). Intervjuiranjem bivših logoraša/zatočenika, prikupljanjem dokumenata o zatočeništvu bivših logoraša, prikupljanjem i analizom sudske dokumentacije, publikacija i drugih izvora o logorima koje je istraživao, sačinio je radne verzije profila logora.

U nekoliko navrata saradivao je na različitim naučnoistraživačkim projektima. Bio je konsultant za izložbu „Kada je vrijeme stalo“ o masovnim grobnicama na području Bosanske krajine s naglaskom na Tomašicu, autora dr. Muje Begića i Edisa Vojića, koja je bila postavljena u nekoliko izložbenih prostora, a zatim vanjski saradnik u prikupljanju građe, dokumentovanju optužnica i presuda za zločine u Sanskom Mostu, na izradi naučnoistraživačkog projekta „Genocid u Sanskom Mostu“, autora dr. Muje Begića. Također, bio je angažovan i kao konsultant prilikom pisanja memoara bivših zatočenika logora od kojih izdvajamo objavljene

knjige: Čaušević Mirsad, *Smrt u Bijeloj kući*, Bosanska medijska grupa, Tuzla, 2017; Fazlić Admira, *Čovjek i fotografija: Fikret Alić – čovjek iza žice logora Trnopolje*, Dobra knjiga, Sarajevo, 2017; Mujkanović Nijaz, *Zločin s predumišljajem: 197 dana u logorima Omarska i Manjača*, Dobra knjiga, Sarajevo, 2018; Kadić Nurija, *Govor tišine, Grafis*, Cazin, 2020. godine.

U periodu od maja do juna 2015. bio je angažiran kao profesor historije u Petoj gimnaziji, Sarajevo, i Osnovnoj školi „Mehmed-beg Kapetanović Ljubušak“, Sarajevo.

Odlukom Senata Univerziteta u Sarajevu, broj: 01-2783-1/17 od 26. aprila 2017. izabran je u zvanje *viši stručni saradnik za modernu historiju* u Institutu za historiju Univerziteta u Sarajevu.

Akadske 2016/17. upisao je studij trećeg ciklusa na Odsjeku za historiju Filozofskog fakulteta Univerziteta u Sarajevu, smjer Historija Bosne i Hercegovine u XIX i XX stoljeću. Treći ciklus studija uspješno je okončao 25. oktobra 2021. odbranivši doktorsku disertaciju pod naslovom „Utjecaj vojnih i političkih zbivanja na demografske promjene u Bosanskoj krajini od 1992. do 1995. godine“ pred komisijom: prof. dr. Amila Kasumović, predsjednik; prof. dr. Amir Duranović, član; prof. dr. Zijad Šehić, mentor. Uspješnim okončanjem trećeg ciklusa i odbranom doktorske disertacije, kandidat Jasmin Medić stekao je akademsku titulu doktor historijskih nauka.

Kandidat je sin poginulog pripadnika Armije Republike Bosne i Hercegovine. Aktivno govori njemački, a pasivno engleski jezik. Oženjen je i otac jednog djeteta.

Uz prijavu na konkurs kandidat je priložio bibliografiju i radove kojima dokazuje svoje naučnoistraživačke sposobnosti. Tokom studija ostvario je prosječnu ocjenu na prvom, drugom i trećem ciklusu studija 8,33. Dr. Jasmin Medić je u svom dosadašnjem naučnoistraživačkom radu – koji je tematski vezan za period raspada Jugoslavije, agresiju i rat u Bosni i Hercegovini 1992-1995, s fokusom na temama genocida, historijske demografije, zločina protiv čovječnosti i viktimologije – u historiografskim publikacijama objavio jednu naučnu knjigu, jedanaest naučnih članaka u relevantnim časopisima i zbornicima radova, pet prikaza i koautor je kao i recenzent priručnika *Nastavni materijali za izučavanje opsade Sarajeva i zločina genocida počinjenog u Bosni i Hercegovini u periodu od 1992. do 1995. godine u osnovnim i srednjim školama u Kantonu Sarajevo*. Učestvovao je na šesnaest naučnih konferencija, skupova, okruglih stolova i predavanja.

BIBLIOGRAFIJA

KNJIGE:

1. *Genocid u Prijedoru*, Grafis, Sarajevo, 2013. godine.

U svojoj knjizi, kandidat je kroz niz dokumenata MKSJ, relevantnu literaturu i memoarsku građu, koristio i metodologiju „usmene historije“ intervjuisanjem nekoliko bivših zatočenika prijedorskih logora. Opisao je političku i vojnu situaciju u Prijedoru i Bosanskoj krajini od 1990. do konca 1992, paralelno analizirajući zbivanja u Bosni i Hercegovini u kontekstu raspada Jugoslavije. Srpske vojne, političke i policijske strukture, predvođene Srpskom demokratskom strankom i Jugoslovenskom narodnom armijom (preimenovanom u Vojsku Srpske republike BiH, odnosno Vojsku Republike Srpske), imale su odlučujuću ulogu u genocidu izvršenom nad prijedorskim Bošnjacima i Hrvatima. Vojne pripreme srpskih snaga za napad na Prijedor potvrđuju ranije isplanirane agresije na Bosnu i Hercegovinu. Vojni napadi srpskih snaga usmjereni su na područje Kozarca i okoline, sela na lijevoj strani Sane, područje Ljubije i okoline, te dijelove grada Prijedora, u kojima je živjelo većinsko bošnjačko stanovništvo. Polazeći od teze da zbivanja u Prijedoru u navedenom periodu imaju sve elemente genocida kao najtežeg oblika zločina protiv čovječnosti, autor svoju tvrdnju dokazuje u sedam poglavlja od čega posebno treba izdvojiti one o koncentracionim logorima (počevši od njihovog osnivanja, uslova u kojima su bili zatočeni logoraši i zločina počinjenih u njima) i masovnim pogubljenjima bošnjačkih i hrvatskih civila. Epilog zbivanja u Prijedoru je 3 173 ubijena civila, što nije konačan broj. Mjesta na kojima su zločini izvršeni, proces ekshumacija i identifikacije žrtava su sastavni dio naučne knjige kandidata o genocidu izvršenom u Prijedoru.

NASTAVNI MATERIJAL:

1. *Nastavni materijali za izučavanje opsade Sarajeva i zločina genocida počinjenog u Bosni i Hercegovini u periodu od 1992. do 1995. godine u osnovnim i srednjim školama u Kantonu Sarajevo*, Ministarstvo za obrazovanje, nauku i mlade Kantona Sarajevo, Sarajevo, 2018

(kandidat je recenzent nastavnih materijala za učenike i autor dodatnih nastavnih materijala za nastavnike).

Kandidat je autor nastavne jedinice *Etničko čišćenje i zločini protiv čovječnosti počinjeni u Bosni i Hercegovini od 1992. do 1995. godine* u kojem opisuje način zauzimanja dijelova Bosne i Hercegovine od strane JNA i policijskih struktura bliskih SDS-u u prvoj polovini 1992. godine. Upravo su u tim dijelovima, oko 2/3 bosanskohercegovačkog teritorija, počinjeni najveći zločini nad bošnjačkim i hrvatskim civilima što je rezultiralo masovnim ubistvima i progonima. Kandidat analizira pojmove zločin protiv čovječnosti, genocid, logori i drugih mjesta nezakonitih zatočenja, mjesta masovnih pogubljenja i progona te navodi primjere tih zločina počinjenih u određenim dijelovima Bosne i Hercegovine, a koji su dokazani u predmetima protiv optuženih za ratne zločine u MKSJ.

Recenzent je drugih poglavlja nastavnog materijala: *Opsada Sarajeva, vojno-politički aspekt; Opsada Sarajeva, svakodnevni život i ugrožavanje humanitarnog prava; Genocid u Srebrenici.*

RUKOPIS DOKTORSKE DISERTACIJE:

1. *Utjecaj vojnih i političkih zbivanja na demografske promjene u Bosanskoj krajini od 1992. do 1995. godine* (doktorska disertacija), Univerzitet u Sarajevu – Filozofski fakultet, Sarajevo, 2021. godine.

U doktorskoj disertaciji kandidat u šest poglavlja (Decenija jugoslovenske krize, Vojna i politička situacija od 1990. do 1992. godine, Demografske promjene u općinama sa apsolutnom srpskom većinom od 1992. do 1995. godine, Općine sa apsolutnom bošnjačkom većinom, Dolina Sane, „Postdejtonski“ period) opisuje zbivanja u 14 općina Bosanske krajine s posebnim naglaskom na demografske promjene od početka jugoslavenske krize do popisa stanovništva u Bosni i Hercegovini 2013. godine. Opisuje ulogu pojedinih demografa u kreiranju narativa u periodu raspada Jugoslavije, analizira demografske aspekte političkih koncepcija od 1990. do 1992. i u najznačajnijem dijelu rada uzroke, načine i demografske posljedice u 14 općina pri tom dajući uvid u pregled o broju protjeranih i doseljenih stanovnika iz 1993, odnosno pregled stanovništva po etničkoj strukturi iz 1995. godine. Kroz rad provlači tezu da je u demografski

izmiješanim sredinama došlo do najdrastičnijih demografskih promjena zbog čega posebno poglavlje posvećuje općinama u dolini Sane te komparira spomenute preglede po općinama. Daje odgovor na pitanje koji su najznačajniji uzroci koji su doveli do promjene demografske slike Bosanske krajine i šta je ova regija predstavljala u nacionalističkim politikama devedesetih godina 20. stoljeća. Na koncu, obrazlaže i aspekt podijeljenog bosanskohercegovačkog društva na primjeru Bosanske krajine i analizira političke pristupe prema pitanju ponovne izgradnje multietničkog karaktera bosanskokrajiških općina. U izradi disertacije, kandidat je koristio relevantnu arhivsku građu Međunarodnog krivičnog suda za bivšu Jugoslaviju, Arhiva Bosne i Hercegovine, Arhiva Instituta za istraživanje zločina protiv čovječnosti i međunarodnog prava, dokumenata Human right watcha Helsinki, Online baze Helsinškog odbora za ljudska prava u Srbiji, Arhivu Fonda za humanitarno pravo Beograd, dokumente Agencije za statistiku Bosne i Hercegovine, dokumente Suda Bosne i Hercegovine, dokumente Županijskog suda Karlovac i drugo. Pored navedenih dokumenata i izvora koristio je niz objavljenih i neobjavljenih ekspertiza te relevantnu naučnu literaturu i memoarsku građu kao i štampu i internet stranice.

Uspješnom odbranom doktorske disertacije, kandidat spada među rijetke historičare koji analizu zbivanja tokom raspada Jugoslavije sagledava sa aspekta historijske demografije.

ČLANCI:

1. *Politička i nacionalna polarizacija u Bosni i Hercegovini: Politika 'regionalizacije' 1991. godine*, Prilozi, br. 50, Univerzitet u Sarajevu – Institut za historiju, 2021, 283-314. (Izvorni naučni rad)

Autor u radu analizira procese proglašenja nelegalnih autonomnih oblasti i zajednica započet u aprilu 1991. koji su, kroz jednostranu teritorijalnu reorganizaciju Bosne i Hercegovine, bili uvod u osnivanje samoproglashene Srpske republike Bosne i Hercegovine u januaru 1992, odnosno Hrvatske republike Herceg Bosna u augustu 1993. godine. Analizirajući navedene procese, autor zaključuje da je početkom 1992. legalna i legitimna vlast Republike Bosne i Hercegovine na svega 16,18% državnog teritorija (dijelovi koji nisu bili obuhvaćeni jednostranim regionalizacijama) imala svoju efektivnu vlast.

2. *Bosna i Hercegovina između raspada Jugoslavije i sticanja nezavisnosti*, u: Zbornik radova *Prijelomne godine bosanskohercegovačke prošlosti*, (ur. Sedad Bešlija), Univerzitet u Sarajevu – Institut za historiju, Sarajevo, 2021, 257-276 (Nije navedena kategorizacija rada).

Kroz relevantnu literaturu i sudske presude Međunarodnog krivičnog suda za bivšu Jugoslaviju (ICTY/MKSJ) autor analizira političke procese koji su doveli do proglašenja nezavisnosti Bosne i Hercegovine tokom disolucije Socijalističke federativne republike Jugoslavije (SFRJ). Veći dio rada zahvata zbivanja tokom 1992. za koju autor iznosi tezu da se radi o jednoj o najtragičnijih godina u bosanskohercegovačkoj historiji. Svoju tezu, autor potvrđuje načinom na koji opisuje tok agresije na Republiku Bosnu i Hercegovinu koja je obilježena masovnim zločinima nad bošnjačkim i hrvatskim civilnim stanovništvom što je na koncu te godine rezultiralo demografskim promjenama, odnosno drastičnom promjenom etničke slike države.

3. *Zločini nad djecom i maloljetnicima u Prijedoru 1992. godine*, Časopis za suvremenu povijest, Vol. 51, No. 2, Hrvatski institut za povijest, Zagreb, 2019, 445-464 (Pregledni članak).

Zločini počinjeni nad djecom i maloljetnicima, kao najranjivijoj kategoriji društva, tema je rada autora objavljenog u Časopisu za suvremenu povijest Hrvatskoj instituta za povijest. Autor opisuje zločine vojnih i policijskih struktura nad djecom i maloljetnicima u Prijedoru od 1992. do 1994. godine. Poseban naglasak u radu je ubistvo 102 djece na području prijedorske općine gdje autor opisuje sudbinu svakog ubijenog djeteta, načinu njihove pogibije i ekshumaciju posmrtnih ostataka do sada identifikovanih žrtava od kojih je najmlađa bila tek dvomjesečna beba. Osim ubistava, autor se bavi i okolnostima u kojima su djeca i maloljetnici bili nezakonito zatočeni u koncentracionim logorima i žrtve progona naglašavajući i posljedice na njihovo psihičko stanje prouzrokovano zločinima kojima su svjedočili.

4. *Utjecaj rata u Hrvatskoj na zbivanja u Bosanskoj krajini 1991. godine*, Historijski pogledi, br. 2, Centar za istraživanje moderne i savremene historije, Tuzla, 2019, 364-374 (Izvorni naučni rad).

O tome kakva je bila vojna i politička situacija u Bosanskoj krajini tokom agresije JNA na Hrvatsku, o pitanju „za“ i „protiv“ mobilizacije u sastav JNA, problemu izbjeglica i zaoštavanju međunacionalnih odnosa u ovoj regiji tematizirani su od strane autora u navedenom radu. Zaključuje da niti u jednom dijelu Bosne i Hercegovine nije bilo toliko izbjeglica kao u Bosanskoj krajini (45 000) i da se upravo u ovome dijelu naslutile razmjere koje su uslijedile 1992. godine.

5. *Demografska slika i političke koncepcije etno-teritorijalne organizacije Bosanske krajine 1991. i 1992. godine*, Godišnjak 2018, Bošnjačka zajednica kulture "Preporod", Sarajevo, 2018, 256-276 (Nije navedena kategorizacija rada).

Polazeći od stava da je demografska slika Bosanske krajine, uz političke i vojne prilike u Jugoslaviji (naročito zbivanja u Hrvatskoj i Bosni i Hercegovini), bila osnova za jednostrana proglašenja etno-teritorijalnih organizacija, u radu je izvršena analiza formiranja Zajednice opština Bosanske krajine, Autonomne regije Krajina i Hrvatske zajednice Herceg Bosna, te odnosa političkih predstavnika Bošnjaka, Srba i Hrvata prema ovim pitanjima. Autor je hronološki opisao proces jednostrane regionalizacije u Bosanskoj krajini i zaključio da se preko 240 000 Bošnjaka i Hrvata, suprotno svojoj volji, našlo na području samoproglašene ARK. Pored toga, detaljno je analizirao i pokušaj osnivanja općina od strane političkih protivnika – a ujedno i vodeće stranke u politici regionalizacije – SDS-a i reakcije ove stranke na navedeno.

6. *'Ovdje mijenjamo mrtve za mrtve': Masakr na Korićanskim stijenama*, Pregled – časopis za društvena pitanja, God. LIX, br. 2, Univerzitet u Sarajevu, Sarajevo, 2018, 113-128 (Pregledni naučni članak).

Masakr na Korićanskim stijenama jedan je od najmonstruoznijih zločina počinjen tokom agresije na Republiku Bosnu i Hercegovinu. Rad je baziran na svjedočenjima očevidaca masakra, izvještajima policijskih i vojnih struktura kao i presudama Međunarodnog krivičnog suda za bivšu Jugoslaviju (MKSJ). U radu se opisuje odvođenje preko 200 bošnjačkih i hrvatskih zatočenika logora Trnopolje i njihovo strijeljanje od strane pripadnika Interventnog voda pri

Stanici javne bezbjednosti Prijedor. Autor za ovaj rad po prvi objavljuje i nekoliko dokumenata o masakru, do tada nepoznatih bosanskohercegovačkoj i široj javnosti.

7. *'Otac, čuvaj mi djecu' – Zločini u logoru Omarska 1992. godine*, Prilozi, br. 46, Univerzitet u Sarajevu – Institut za historiju, Sarajevo, 2017, 243-267 (Izvorni naučni rad).

Autor u ovome radu govori o zločinima počinjenim u logoru Omarska u periodu njegovog postojanja od maja do augusta 1992. kao jednom od desetina logora uspostavljenih u Bosanskoj krajini tokom 1992. od strane srpskih vojnih i policijskih vlasti. Svojom analizom zaključuje da se radi o najbrutalnijem logoru u Republici Bosni i Hercegovini od 1992. do 1995. sa – prema dosadašnjim istraživanjima – 458 ubijenih bošnjačkih i hrvatskih civila. Taj logor je i primjer seksualnog zlostavljanja zatočenih žena (od kojih su pet ubijene), sadističkih zločina nad zatočenicima i masovnih pogubljenja intelektualaca.

8. *Kozarski vjesnik u službi zločina*, Godišnjak, br. 16, Bošnjačka zajednica kulture "Preporod", Sarajevo, 2016, 474-486 (Nije navedena kategorizacija rada).

„Kozarski vjesnik“ bio je jedan u nizu medija čiji su novinari otvoreno stali u službu srpske nacionalističke politike i prihvatili da budu dio propagandne mašinerije u otvorenom izlivu mržnje i netrpeljivosti prema prijedorskim Bošnjacima i Hrvatima. Autor, kroz nekoliko članaka ovog lista, pokazuje kako su njegovi novinari nerijetko pisali izmišljene tekstove o uglednim Bošnjacima i Hrvatima koji su neposredno nakon objave tekstova ubijeni u prijedorskim logorima. Osim toga, otvorenom propagandom nalazili su izgovore i alibi za sve operacije i zločine počinjene od strane VRS i policijskih struktura.

9. *Pripreme, tok i razmjere zločina u Kozarcu 1992. godine*, Prilozi, br. 45, Univerzitet u Sarajevu – Institut za historiju, Sarajevo, 2016, 297-314 (Pregledni rad).

Autor se u radu bavi političkom situacijom kao i vojnim pripremama na području općine Prijedor uoči agresije na Bosnu i Hercegovinu. Poseban osvrt odnosi se na ratne zločine počinjene u Kozarcu tokom agresije. Kozarac je bio, zaključuje autor, od posebnog značaja za

srpske strateške interese, odnosno za realizaciju Šest strateških ciljeva Srpske republike BiH – kao područje naseljeno bošnjačkim stanovništvom između Prijedora i Banja Luke, odnosno između Bosanske krajine i Semberije. Posljedica je, prema zaključku autora, 1 226 ubijenih bošnjačkih civila i preko 20 000 prognanih, potpuno porušen i opljačkan grad sa okolinom.

10. *Genocid u Kozarcu i Srebrenici – komparativni pristup*, u: Zbornik radova *Srebrenica 1995-2015: Evaluacija naslijeđa i dugoročnih posljedica genocida*, II knjiga, (ur. Džananović Muamer i Bećirović Fikret), Institut za istraživanje zločina protiv čovječnosti i međunarodnog prava, Sarajevo, 2016, 86-99 (Nije navedena kategorizacija rada).

U radu autor komparira zbivanja u Kozarcu 1992. i u zaštićenoj zoni UN-a Srebrenica 1995. godine. Oba područja bila su u okruženju srpskih vojnih i policijskih formacija. Na oba područja izvršene su masovne egzekucije bošnjačkog stanovništva. Veći dio žrtava ukopan je u masovne grobnice. Preživjeli su spas pokušali pronaći prodorom preko srpskog teritorija gdje su mnogi ubijeni. Niz je sličnosti. Razlika je u broju žrtava i činjenici da su MKSJ i MSP donijeli presudu za genocid u Srebrenici dok su zločini u Kozarcu okarakterizirani kao zločin protiv čovječnosti.

11. *Prijedor – genocid počinjen 1992. godine*, u: Zbornik radova *Genocid nad Bošnjacima 1992-1995.*, (ur. Džunuzović Anes), Mladi muslimani, Sarajevo, 2014, 72-92 (Nije navedena kategorizacija rada).

Kako je na području Prijedora izgledala politička i vojna situacija od 1990. do 1992, kakvi su zločini počinjeni, da li imaju razmjere genocida i šta je u vezi zbivanja u Prijedoru dokazano u predmetima vođenim pred MKSJ, teme su koje autor analizira u ovom radu.

PRIKAZI I OSVRTI:

1. *Rat jedne brigade protiv civila*, prikaz knjige: Kolarić Jelena, *Dosije: 43. motorizovana brigada VRS u Prijedoru*, Fond za humanitarno pravo, Beograd, 2021, u: Pregled – časopis za društvena pitanja, Vol. 62, No. 2, Univerzitet u Sarajevu, 2021. godine;

2. Vulliamy Ed, *Rat je mrtav, živio rat. Bosna svođenje računa*, Buybook, 2017, u: Prilozi, br. 49, Univerzitet u Sarajevu – Institut za historiju, 2020. godine;
3. Fazlić Admir, *Čovjek i fotografija: Fikret Alić – Čovjek iza žice logora Trnopolje*, Dobra knjiga, Sarajevo, 2017, u: Novi muallim, God. XVIII, br. 72, Sarajevo, 2017. godine;
4. Zbornik radova *Sjećanje na bosanski genocid: Pravda, pamćenje i poricanje*, (ur. Karčić Hikmet), Institut za islamsku tradiciju Bošnjaka, Sarajevo, 2017, u: Novi muallim, God. XVIII, br. 69, Sarajevo, 2017. godine;
5. Begić Mujo, Ramić Senadin, Ališić Zlatan, *Tomašica – masovna grobnica*, Institut za istraživanje zločina protiv čovječnosti i međunarodnog prava, Sarajevo, 2015., u: Gračanički glasnik, 42/XXI, 2016.

UČEŠĆE NA NAUČNIM KONFERENCIJAMA, NAUČNIM SKUPOVIMA, OKRUGLIM STOLOVIMA I PREDAVANJIMA:

1. Učesnik na Naučnom skupu *Genocid nad Bošnjacima i demografske promjene u bosanskohercegovačkom entitetu RS od 1992. do 2022. godine*, u organizaciji Bošnjačke zajednice kulture "Preporod" i Instituta za istraživanje zločina protiv čovječnosti i međunarodnog prava Univerziteta u Sarajevu, Sarajevo, 12. januar 2022, (Tema izlaganja: *Demografske promjene u Autonomnoj regiji Krajina: projekcije i posljedice*);
2. Učesnik na Okruglom stolu povodom Dana nezavisnosti Bosne i Hercegovine u organizaciji Instituta za historiju Univerziteta u Sarajevu, Sarajevo, 10. novembar 2021, (Tema izlaganja: *Projekti regionalizacije 1991. godine kao povod održavanja referenduma*);
3. Gost-predavač na promociji knjige *Prijedorska matura* autora Omerović Mirnesa u Bošnjačkoj gimnaziji, Sarajevo, 28. oktobra 2021, (Tema predavanja: *Djeca i maloljetnici – žrtve zločina*);
4. Učesnik na Okruglom stolu *Status žrtava u Prijedoru: izazovi i mogućnosti*, u organizaciji Uprave za vanjske poslove i dijasporu Rijasetu IZ, Muftijstva bihačkog i Medžlisa IZ Prijedor, Prijedor, 15. juli 2021, (Tema izlaganja: *Prijedor 1990-1995: hronologija zbivanja*");
5. Učesnik na Okruglom stolu *Godina 1991: Politički procesi u BiH u toku raspada Jugoslavije*, u organizaciji Instituta za historiju Univerziteta u Sarajevu, Sarajevo, 10.

- novembar 2021, (Tema izlaganja: *Politička i nacionalna polarizacija u Bosni i Hercegovini: Projekti 'regionalizacije' 1991. godine*);
6. Učesnik na Međunarodnoj naučnoj konferenciji *Genocid nad Bošnjacima, Srebrenica 1995-2020 – uzroci, razmjere, posljedice*, u organizaciji Instituta za istraživanje zločina protiv čovječnosti i međunarodnog prava Univerziteta u Sarajevu, Instituta za historiju Univerziteta u Sarajevu i Univerziteta u Tuzli, Sarajevo, 19. oktobar 2020, (Tema izlaganja: *Demografske posljedice zločina nad Bošnjacima u Bosanskoj krajini od 1992-1995*);
 7. Učesnik na Međunarodnoj naučnoj konferenciji *Prijelomne godine bosanskohercegovačke prošlosti*, u organizaciji Instituta za historiju i Akademije nauka i umjetnosti Bosne i Hercegovine, Sarajevo, 22-23. novembar 2019, (Tema izlaganja: *1992: godina bosanskohercegovačke nezavisnosti*);
 8. Učesnik na Devetom naučnom skupu *Bh. država i Bošnjaci*, u organizaciji Bošnjačke zajednice kulture "Preporod", Sarajevo, 27. april 2019, (Tema izlaganja: *Regionalizacija 1991. godine u Bosni i Hercegovini*);
 9. Učesnik na Naučnoj konferenciji *Bosna i Hercegovina 1878-2018: Politički i društveni procesi*, u organizaciji Centra za istraživanje moderne i savremene historije, Tuzla i Filozofskog fakulteta Univerziteta u Tuzli, Tuzla, 8-9. novembar 2018, (Tema izlaganja: *Utjecaj rata u Hrvatskoj na zbivanja u Bosanskoj krajini 1991. godine*);
 10. Učesnik na Osmom naučnom skupu *Bh. država i Bošnjaci*, u organizaciji Bošnjačke zajednice kulture „Preporod“, Sarajevo, 23. juni 2018, (Tema izlaganja: *Demografska slika i političke koncepcije etno-teritorijalne organizacije Bosanske krajine 1991. i 1992. godine*);
 11. Učesnik na Okruglom stolu *Bosna i Hercegovina 1992-1995*, u organizaciji Instituta za historiju Univerziteta u Sarajevu, Sarajevo, 22. novembar 2017, (Tema izlaganja: *Bošnjaci i 'regionalizacija' Bosne i Hercegovine u procesu disolucije Socijalističke federativne republike Jugoslavije (SFRJ)*);
 12. Učesnik na Okruglom stolu *25 godina od napada na Kozarac*, u organizaciji Medžlisa IZ Kozarac i Instituta za nestale osobe BiH – Ured Bihać, Kozarac, 24. maj 2017, (Tema izlaganja: *Napadi srpskih vojnih i policijskih jedinica na području općine Prijedor sa posebnim osvrtom na Kozarac*);

13. Učesnik na tribini *Genocid u Prijedoru. Govorimo za one koji govoriti ne mogu*, u organizaciji Udruženja "Odred Hrasno brdo ARBiH", Sarajevo, 27. oktobar 2016, (Tema izlaganja: *Kako su srpski funkcioneri dokumentovali vlastite zločine*);
14. Učesnik na Naučnoj konferenciji *Bosna i Hercegovina u socijalističkoj Jugoslaviji: od Ustava 1946. do Deklaracije o nezavisnosti 1991. godine*, u organizaciji Udruženja za modernu historiju, Mostar, 16-18. septembar 2016. (Tema izlaganja: *Osnivanje autonomnih oblasti u Bosni i Hercegovini 1991. godine – primjer Autonomne regije Krajina*);
15. Predavač na tribini *Kolektivno sjećanje na genocid povodom obilježavanja 21. godišnjice genocida u Srebrenici*, u organizaciji Kantonalnog odbora Stranke demokratske akcije, Jablanica, 9. juli 2016, (Tema predavanja: *Zločini u Bosanskoj krajini 1992. godine*);
16. Učesnik na Međunarodnoj naučnoj konferenciji *Srebrenica 1995-2015: Evaluacija naslijeđa i dugoročnih posljedica genocida*, u organizaciji Instituta za istraživanje zločina protiv čovječnosti i međunarodnog prava Univerziteta u Sarajevu, Sarajevo, 9-11. juli 2015, (Tema izlaganja: *Genocid u Kozarcu i Srebrenici – komparativni pristup*).

NOVINSKI ČLANCI:

1. *Šta poslije 9. januara?*, *Preporod*, Sarajevo, 15. januar 2022. godine;
2. *Može li Mladić mirno spavati?*, *Stav*, Sarajevo, 10. juni 2021. godine;
3. *Prijedor – hronologija 1990-1995*, *Preporod*, Sarajevo, 1. august 2020. godine;
4. *617 godina zatvora: Osuđenici za zločine u Prijedoru*, *Preporod*, Sarajevo, 17. juli 2020. godine;
5. *Prijedorska djeca i izgradnja spomenika*, *Preporod*, Sarajevo, 1. juni 2020. godine;
6. *Prijedorski 20. juli*, *Preporod*, Sarajevo, 15. juli 2019. godine;
7. *Velike laži malog ministra*, *Preporod*, Sarajevo, 1. juli 2019. godine;
8. *Nevidljive bijele trake*", *Stav*, Sarajevo, 31. maj 2019. godine;
9. *O negiranju zločina i bagatelisanju bijelih traka*, *Stav*, Sarajevo, 12. juni 2017. godine;
10. *Zločin s predumišljajem – 197 dana logora Omarska i Manjača*, *Stav*, Sarajevo, 28. maj 2018. godine;
11. *Od nazočne do nadzorne*, *Stav*, Sarajevo, 8. oktobar 2017. godine;

12. *Historijske činjenice i njihova relativizacija: Genocid u Prijedoru je počeo prije bijelih traka*, Faktor, Sarajevo, 30. maj 2016. godine;
13. *Poruka iz Haga: Vjetar u leđa velikosrpstvu*, Faktor, Sarajevo, 1. april 2016. godine;
14. *Soykırımın Mimarı: Ratko Mladić, Perspektif*, IGMG, Keln, juli, 2015. godine;
15. *Samo u Kozarcu ubijeno je 1226 Bošnjaka i Hrvata*“, u: Specijalni prilog: *Moj Prijedore...*, Dnevni avaz, Sarajevo, 30. maj 2015. godine.

PRIJEDLOG ODLUKE KOMISIJE S OBRAZLOŽENJEM


Imajući u vidu detaljno sagledanu prijavu dr. Jasmina Medića, te sve u Izvještaju konstatirano i prezentirano o kandidatu i uzimajući u obzir Zakonom o naučnoistraživačkoj djelatnosti predviđene uslove za sticanje zvanja *naučni saradnik*, Komisija je mišljenja da je kandidat dr. Jasmin Medić u višegodišnjem kontinuitetu svog naučnoistraživačkog rada pokazao ozbiljnost, marljivost i posvećenost historijskoj nauci i bavljenju temama značajnim za nauku i potrebnim Institutu za historiju.

Stoga, u skladu s navedenim u Izvještaju, Komisija za izbor *naučnog saradnika* za modernu historiju predlaže Vijeću Instituta za historiju Univerziteta u Sarajevu kao i Senatu Univerziteta u Sarajevu, da Jasmina Medića, doktora historijskih nauka, izabere u zvanje *naučnog saradnika* za modernu historiju na Institutu za historiju Univerziteta u Sarajevu.

Sarajevo, 25. februar 2022. godine

Komisija:


1. Dr. Amir Kliko, predsjednik



2. Dr. Safet Bandžović, član



3. Dr. Dženita Rujanac, član



4. Dr. Sedad Bešlija, zamjenski član